

黔陽縣志卷之三十五

人物二

四文苑

明

楊世忠洪武間以經明行修舉授辰州府學教授陞福建

布政司理問喜吟咏所著有砥砭集

舊縣志

危楷行履端潔博學多聞為諸生祭酒尤善誘教出其門

者多知名士所著有懷古堂詩文藏於家萬歷戊子甲

午兩中副榜賚志以沒無嗣

舊縣志。芳躅吟辨香一柱為先生想見當年抱璞

黔陽縣志

卷之三十五

人物四文苑

十一

龍標藏板

情懷古堂中雙別後
中和遺恨切吞聲

唐有瑞幼穎異年甫十二補博士弟子員有神童之日後

以太學待銓州佐有瑞讀書嗜古樂獎進後學出貲製

文廟祭器著有觀瀾塢詩文集不售而卒邑令武宏登

表其墓

舊縣志。芳躅吟解橐販琳宮天花擬福苑受
庇問依誰而况禮樂地煌煌萬古師矜青如雲

萃邊豆貴其嘉芹藻維其脩何獨讓唐生
隻手取大義詩書足貽謀斯人具為瑞

邱式耜為邑諸生性誠樸篤於孝友年十七遊大江南北

所至交其賢豪載書萬卷歸鍵戶下帷益肆力於古所

居月沛園其父士琳字玉瑤之所闢也士琳為明崇禎

開貢以縣令需次里居園臨烟溪中有堂曰雕虎軒曰
夏玉曰醉石曰浪雪亭曰仙月樓曰醒巖菴曰玉嵐室
曰醒莊齋曰少陵廊曰花雨逕曰銀螺橋曰鶴脰泉曰
寶鴨蓋奄有金粟寒山諸勝士琳頗以吟社主人自負
嘯歌老其中日課其子式耒式耜式耘皆知名而式耜
其季也式耜秉家法以禮自持言動爲後進矜式里中
才俊師事之著有月流園文集行於世兄式耜別有傳
見忠義舊縣志叅諸記

向文華性篤孝友自少力於學早歲補博士弟子鯁於二

黔陽縣志

卷之二十五

人物四文苑

十二

龍標藏板

十人中設教鄉里間多高足一門羣從秉其教者咸有
所成就著作頗富恒爲人傳誦不遇而沒人皆惜之舊縣志

國朝

向文煥號亦菴學浩博靡所不貫爲名孝廉一時賢
俊爲之傾倒性崖異不希諧俗身經亂離時平無復
有仕進意故得肆力於詩歌古文自明中葉後俗學
浸淫以襲積剽竊爲能事又矯入於淒清幽冷有識
者目爲文妖詩魔文煥生長楚西凡所述作多冲和

恬適之響駸駸窺見古人堂奧詩稍闌入竟陵窠臼而五字清而能腴似亦厭弃其舊學而欲跳脫之蓋此法中豪傑士也所著孤雲亭集若干卷行於世府志

粟養元順治初以諸生投會同教諭弃官隱居潛心內典號了元居士所著有了元集牧牛頌舊縣志

黃飛遠字介子康熙三十八年貢任攸縣訓導生平倜儻磊落工詩古文詞授徒講學率多名士著有椒

麓堂集舊縣志

黔陽縣志

卷之三十五

人物四文苑

十三

龍標藏板

潘士權附貢生少穎異長益肆力於學喜立說著書尤能探討象數音律源流所著洪範九疇大樂元音行於世數遊京師滿漢諸鉅公咸器重之乾隆六年考補天文生呈請纂修占書委署博士十一年以葬親告假回籍歿年七十二邑令姚文起有傳纂事實

潘龍庵先生傳
邑侯姚文起作

楚南多奇士而吾邑潘龍庵先生其

尤奇者也嘗築養氣窩於飛雲山屏弃世事潛心道妙者十餘年乃因九峰未成之書爲洪範註補焉筮用四十與大衍之法同而異而內外兩篇理數質辭

皆能發前人未發之秘不亦奇與至樂之難言久矣
而大樂元音之作乃繼律呂新書而起其考中聲而
以黃鐘爲本定五音而辨四聲之缺真有會於聲氣
之元者也又有學庸一得暢所欲言獨闢新義雖將
大學中庸牽合其說未免好奇要不得而遽廢之耳
慨自俗言爭勝鮮能明聖賢之奧旨而先生以絕世
聰明好學深思三入都而三獻其集當年若孫文定
公亦一見而傾倒之可不謂奇士與雖未得志於時
而著書以垂後世亦足以不朽矣先生諱士權字三

黔陽縣志

卷之三十五

人物四文苑

十四

龍標藏板

英龍庵其號也生而眉髮雪白望若鶴立方其就學
成均將以廣交天下士非屑屑然欲炫其奇而名下
無虛莫不推重之然則聞先生之風者亦可以興矣
危猷敏而好學當明季避兵東竄西奔手不釋卷尤
篤於行誼好施樂善所著有慶雲箋

纂事實

潘士樸廩貢生潛心理學所著有先後二天圖說心
極圖說并一中論乾隆乙酉任臨湘訓導庠士皆悅
其教晚年因目疾告歸自署其齋約以六則號六不
翁有六不齋詩集日率子姪講學吟咏優游十五載

以無疾終 纂事實

陳鰲博學能文早歲錄於庠試輒冠軍乾隆三十三年貢歷主龍標講席多所造就爲人方正而意象却慈和渾厚見者如坐春風四十三年舉鄉飲大賓長子超羣己亥科中式 纂事實

陳海六先生傳徐立綱作綱官編修海六先生者黔陽孝廉陳子超羣

之父也乾隆己亥秋余典試湖南得陳子挹其意氣儼然豪士庚子春闈不第遽告歸余謂之曰無然也明春辛丑接屆會期南北往返奔走胡爲陳子愀然

黔陽縣志

卷之三十五

人物四文苑

十五

龍標藏板

曰家父年幾七十矣膝下唯羣一人曷忍留逮今丁未歲陳子來京則已喪父服闋方且排纂行狀乞予立傳予嘉陳子之孝而悉先生之賢固隱德君子也因爲綴成之先生諱鰲海六其字曾祖良能本向氏以舅子繼姑爲陳啓容後卜居縣城南關祖瑞生父虞拔代傳忠厚及先生身煢煢予立無期功強近之親有門祚衰薄之感用憤於學期有成立以大眾聲其過人之稟一目十行每挑燈夜讀寒暑罔間蓋所謂敏而好學者年十八補弟子員食餼於庠試輒冠

軍督學使者咸以國士目之而卒數奇屢試棘圍不
售以明經終先生性至孝逮事曾祖父母三代問寢
視膳色養至誠年六十時祖母猶存日夕不離側彷彿
斑衣嬉戲故事家不甚豐而寒苦隣族多賴舉火
會乾隆戊戌邑中旱饑尤能如分量施以蘇菜色龍
標義學邑中肄業公所也先生歷主講席多所造就
時策諸生以大用爲期兒趨羣初入學謂之曰爾以
此沾沾自喜非我之望也後舉於鄉復謂之曰吾祖
宗世積忠厚此亦非爾之能也生平與物和煦不激

黔陽縣志

卷之三十五

人物四文苑

六

龍標藏板

亦不隨居近官衙非公不入當道重其方正舉鄉飲
賓老成典型聞者嘆服先生素履蓋如此予謂吾輩
讀書士運有通塞道無隱見得志則勲名事業固足
擢後世而垂無窮不得志則修德進善化服鄉閭亦
賢哲所以自勵矧德盛者必昌不於其身而於其子
若孫異日陳子擢高科登顯仕豐功盛烈光大門閭
何莫非前人之德行基之也書不云乎太上有立德
其次有立功若先生者功業罕所表見而其隱德亦
可以風矣

五忠勇

宋

向貞歸明溪峒人

按明統志麻陽人蓋歸明溪峒地後隸麻陽也

宋熙寧六年為

峽州軍衙頭指揮使

按峽州今為本邑安江鎮

會蠻寇叛貞奮然曰

大丈夫當捐軀報國垂名汗青豈可碌碌人後耶乃身

先士卒前驅力戰被執脅降矢誓不屈遂遇害事聞贈

內殿崇班詔立廟祀之

○大清一統志參諸志

楊激兄弟三人並稱英勇屢禦苗寇民多賴焉邑人立廟

祀之。○大清一統志

黔陽縣志

卷之三十五

人物五忠勇

十七

龍標藏板

李明本籍河南祥符來家於安江高宗時官廣勇衛指揮

使金兵南下從宣撫使楊存中過焉外援不繼力戰死

之事聞詔以其子守中為進武校尉

舊縣志

明

邱式耜明末為諸生以忠孝自命鼎革後衰衣大帶居鎮

帥慷慨發論無所撓避鎮帥怒械送武昌幽拘凡數年

氣益奮遂死於市方式耜畢命先撰文自祭有日以泪

羅之水首陽之薇致祭於邱君之神云云辭甚沉痛讀

者哀其志茶陵譚雅弔以詩有遺骸應傍禰衡冢萬古

同香鸚鵡洲之句明史忠義傳叙曰扞忠勝國抗命
興朝稽諸前史例得並書式籽章逢士耳而遂志成仁要
不可泯敢遵明史例用著其姓氏於此

塘府志

六孝友

唐

劉三本邑安江人唐元和間年七齡因父病求魚墜水殞命至孝為神宋熙寧間助章惇軍著績贈將軍勅建祀

明

寶如倣親病曾自戕其乳以療舊縣志

羅義親病割股邑令馬從朱獎之舊縣志

國朝

段正棾邑諸生順治六年亂寇馬進忠猖獗父珖遠

黔陽縣志

卷之三十五

人物六孝友

十八

龍標藏板

為賊所執將殺之正棾從山上遙呼曰毋殺我父我來代死賊立而待之正棾跪辭其母即趨父所求代內一賊感而泣謂珖遠曰我非生而為亂者也念我昔為亂兵所執時我子舍我去今汝子不顧其死趨父而來非孝子乎並釋之康熙六年邑令張扶翼上其事道府皆獎異之且請旌焉舊縣志

危階邑諸生順治初餘寇潰入黔階急封父墓掖母先避會同深山中負米百里外道遇虎祝曰吾母當生天祐我虎竟去後返居柳溪兄弟耕養缺牛嘗以

身代出則乘未入則橫經復因寇亂逃竄風坡母受驚病疫思肉食不可得階刳股以進迄母歿廬墓三年胞兄台因亂失散亂定後跋涉追尋苦無音耗於黃州得遇堂弟接歸撫愛兄子周恤親鄰雍正六年奉

旨旌表入孝子祠

○大清一統志泰舊縣志並事實知縣張四教錫類詞十首錄四○新家

別第一○一杯土猶然濕賊之來何其急去去不能留回首潛焉泣死者寄黃泉生者走原隰莫酌如有期歲暮賊當戢○三虎祝第二○於菟於菟胡為乎中衢少者爾之子乎老者爾之母乎爾有母隨爾趨我有母待我鋪我不履爾尾爾勿啞我軀緊我來時釜中虛垂白如今正倚閭○柳溪居第三○烟柳覆

黔陽縣志

卷之三十五

人物六孝友

十九

龍標藏板

長渠攜家試卜居隨肩雙乘未接武共揮鋤絮惹將雞烏萍葦供母魚此中饒樂事况有古人書○風坡竄第四○昔聞有亂者實惟王與馬焚殺恣猖狂衢巷血流赭死者骨如山奔若哭聲啞老母已難行嬰兒須暫捨性命寄深林飢寒忍曠野吁嗟寇亂何時平夜月晨風淒泪下

向大經雍正九年歲貢吳逆之變父為亂兵所擄大經年十五涕泣不自已隨亂兵奔尋至武岡父子相遇大慟兵為所感並釋而歸未幾父病氣息綿屬每夜痛哭祝天求以身代父病竟愈壽至七十有八大經家甚貧苦心學業舌耕筆耨以自給每掩卷墮淚恒悲恫特失養迨年已衰暮歲時薦享必哀泣人新

其孝思之永

舊縣志

唐大純值流賊肆掠奉親避亂備歷艱辛時止有一子名新居其弟大緝早世遺一女名福秀方七歲俱被賊縛去賊許以金贖大純度不能兩全乃贖姪女而弃己子迨後復生子有瑞斂慧過人年十二補弟子員食餼於庠人以爲天道報施回不爽云

舊縣志

向陽年十八補博士弟子員邃於學家故貧陽歲授徒以館穀所入養母母病侍湯藥不懈及病篤齋沐禱籲願減算益親每徹夜叩稽膝骨盡坼忽夢有神

黔陽縣志

卷之三十五

人物六孝友

二十

龍標藏板

告曰汝母算止七九帝鑒汝誠增二紀未幾母病愈壽八十七無疾而終陽亦年七十

舊縣志

蔣日鶚性孝友母嘗患癰鶚日負以行瘡潰以口吮膿血凡三次毒盡而愈伯兄病圭七調治坐榻前以手撫摩達旦凡五閱月無少懈析產以腴讓兄僮僕取老弱有負者不責償或更調恤之遇殘廢孤子尤

樂施焉

舊縣志

唐韓邑諸生父廩生有虞娶何氏無子韓其庶出也韓生尙幼父與生母相繼逝嫡母何撫之如己出及

成立事母最孝嘗侍母疾目不交睫者凡數月母子
慈孝爲近時所稀有 舊縣志

周紹殷邑諸生康熙己未遭逆藩之亂奉二親避寇
洞下日偕弟市米洪江以養親一日弟被賊掠去紹
殷尾求之晝夜悲號賊義釋之有李姓者爲索通鬻
其子泣別於道紹殷遇之出金爲償父子得完聚其
他義行多類此 塘府志

金國選方七歲隨父母避滇寇爲賊所執國選盡衣
痛哭罵賊賊脅之以刃不爲動復以杖擊之猶不捨

黔陽縣志

卷之三十五

人物六孝友

二十一

龍標藏板

賊義釋之而去

湖南通志

向廷亮十齡失怙弱冠補弟子員會遭寇亂扶母走

匿白梁日負米以養寇平母病瘳廷亮初進藥無效

遂聶股雜羹啣之母病以痊後母歿哀毀骨立孺慕

終身

舊縣志

向鼎鐘孝性天至父廷亮爲諸生雅好客鼎鐘日供

盤飧用娛親志母病日夕扶持不離側兩居親喪哀

毀幾至滅生

塘府志

危零邑諸生十歲失恃每夜涕泣淚痕漬枕上父病

篤嘗惡以驗吉凶事繼母梁極孝謹繼母愛之甚於所生偶往庄所聞母疾作夜馳歸似有火光前導抵江干始隱人以為孝感諸弟皆繼母出雲厚待之有弟病疝聞呻吟聲輒傍徨達旦為家督財帛無一毫私蓄尤人所稱年五十有五病不起時繼母尚存屬續時顧其子以善事祖母為囑氣綿屬猶呼孃不已聞者悲之

瑯府志

蓋奉身克行伍家貧甚孝養雙親必竭其力父永恭病劇焚香告天割左臂以奉病尋愈

湖南通志

黔陽縣志

卷之三十五

人物六孝友

二十二

龍標藏板

潘之芹邑庠生少孤事母最孝朝夕不暫離昆季六人食必同桌植品端方不與外事惟設法建家祠置祭產修理先塋授生徒有師範成就後學甚多

纂事實

張廷煜讀書務實行事親孝雞黍承歡不懈與同母兄析產自取瘦薄子福嵩列府庠有父風

纂事實

曾元舉本姓楊繼曾廷試為嗣試夫婦年八九十舉竭力侍奉務得歡心親病牀褥污穢躬自滌之腕篤有勝於所生者其餘行事亦多可法

纂事實

邱上壽事父母色養兼至父健好施家漸落壽承其

志不少吝母向氏病篤壽嚙指瀝血禱於神而病漸
甦長兄早夭嫂廖氏孀居家計皆所經理雖拮据不
少諉焉纂事實

周成策邑庠生天性孝友兄弟早夭隻身竭力事親
母病廢食策亦不食叔姪分產以腹者讓姪凡族中
後輩諄諄勗以孝友迄今子孫庠序相繼纂事實

黃一志少孤及稍長痛不見父每一言及輒生悲奉
母盡孝與弟一聰同處出入恒不忍離至性有異人
者纂事實

黔陽縣志

卷之三十五

人物六孝友

二十三

龍標藏板

危玲邑庠生博通經史篤於孝友娶潘氏奩資甚厚
玲曰子婦不有私財禮也悉以歸父母與兄弟析產
推多受少尤喜道人善年七十五無病而終

佛山先生傳
陳朝波作

佛山危先生名玲字瓏章邑之城坊人

父諱俱兄弟三人長瑛次瑛季則先生也先生富於
學弱冠補弟子員卒數奇十次棘圍弗售年七十五
以諸生終先生志意高遠胸襟洒落日靜坐披讀間
作詩歌以自娛凡人世貧富貴賤得失死生其為可
歎可戚者視之直如浮雲之過太虛唯篤於愛親而

誠於好善初年十五父俱被訟配山東以仲子自隨
先生堅請往父憐其少且聰穎與讀書可大成弗許
計終無可奈何每夕焚香禱神願父得釋且禱且泣
既配三年又趣伯兄瑛入都求納贖以贖父果蒙赦
回籍每事先意承志慶更生焉母蔣氏病顛連床簣
者數月躬自背負衣褥污穢親手澣濯不以命侍婢
母止之先生曰母病至此恐無所用兒力矣仲兄先
父母沒先生痛其隨父山東之能慰父心也力請於
父母以伯兄子成泰爲之後以產之腴者畀之此先
生內行之美見於父子兄弟間者也至其遇人溫然
以和以善事與人言往復不倦子弟秀者無問踈戚
皆若己有焉聞人有不肖之行輒義形於色一旦悛
改雖素所憎疾亦改容禮之蓋其好惡無成心而唯
善是與也有如此世固有祇父恭兄大端克盡而至
愛不存又或好善惡不善初念真轉念僞公不勝私
聞先生之風可以少愧矣

危歲材性忠直菽水奉親養生送死獨殫心力弟遠
商負欠鬻產以償負擔跋涉千里用紓弟急以慰母

心讀書善屬文頃刻成稿卒數奇不售庚子科于元
福舉於鄉材猶應童子試賁志以沒聞者惜之纂事實

胡應聘少孤家貧好讀書弱冠補弟子員奉母藍頗
能養志諸兄早各爨產日耗聘承母意以所存廬田

分給之母卒獨鬻己產以葬待族隣俱本厚道卒年
八十歲人謂齒德兼隆纂事實

黃佐太學生至性肫篤事父母敬養交至居喪哀毀
骨立處兄弟亦極友愛纂事實

向言昌事父義元克供子職親沒廬墓三年撫孤姪

黔陽縣志

卷之三十五 人物六 孝友 二十五

龍標藏板

成立人皆服其無私歿年七十一歲纂事實

黃仲邑庠生事親孝善承親意兄弟四人皆遊庠和
順友愛家風最為近古纂事實

黃振國歲貢生事繼父瑩遠孝養備至父患頸癰半
載醫藥弗效國至誠禱神癰忽潰以口吮之而愈後

生父飛遠卒於官國扶櫬歸里鬻產辦葬一生多美
行服人纂事實

楊思順太學生品行端潔篤於奉親臨終切呼其子
以善奉祖母為囑生平矜孤恤寡敬老賑貧族隣德

之
纂事實

唐義正太學生事親孝祖母段氏病危正祝天割股以進病旋愈復延壽六載撫兩幼弟皆極友愛焉纂事實

蒙慶賜善承親志父年九十孝養不衰尤能尊敬父執每訓子弟兢兢以無忘先人交致勗兄弟四人皆式相好纂事實

向時震性孝友父鼎銘欲立祠報本有志未遂時震續成之二兄時雨時霖先歿涕泣累年弟時雯嘗患

黔陽縣志

卷之二十五

人物六 孝友

三十六

龍標藏板

病不食震食亦廢隆師重道善氣迎人其居家敦朴矯華終身未嘗衣裘帛有古人風焉纂事實

高如岱太學生性孝友弟如峩繼母梁氏出也染疾不愈岱禱神願減亡算以益峩年總理家務數十年無分文私積邑令柯支泐贈額曰孝友可風纂事實

王家祚吏員生父烈生祚兄弟三人祚出繼伯父鰲克盡子道兄弟早卒各遺一子俱幼祚仍養所生父母兼撫幼姪成立鰲烈遺產應兩分分析祚仍作三分人稱孝友於乾隆四十六年壽八十受

息資一次八十六歲卒 纂事實

危成相邑庠生性仁厚隨父震之慈利教諭任左右
就養母病疽醫藥祈禱迫切異常兄弟雖析居而勻
谷分金杏無私業嗜讀書成就後學兼精醫理待人
信任事忠族黨咸倚托焉 纂事實

危如神兄弟八人璋瓊珊瑚璇祥福道食必同桌居必
同室敦友愛以娛親心叔紹典無嗣以如珊繼之厥
後子孫繁衍同居炊爨並無彼此之殊神兄弟均壽
八十餘鄉鄰異之 纂事實

黔陽縣志 卷之三十五 人物六 孝友 二十七 龍標藏板

張廷宮邑庠生早喪父母賀氏病目宮日為吮舐刺
指血合藥敷之遂漸明處館所得修脯雖少必歸遺
家產故薄伯父議平分宮與伯父四子均焉孝友性
成鄉里傳誦享年八十八 纂事實